



5. marts 2010
21. august 2009

UPA 2010/24
UKA 2009/61

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

Namminersorlutik Oqartussat sanaartornermut aningaasaliuttagaasa kommuninut ingerlatassanngorlugit tunniunneqannginnerini sanaartornermut inatsisit ataatsimoortut naammassineqarsimanissaat atuutsinneqalersimanissaallu siunertaralugu sanaartornermut inatsisissatut siunnersuummik ataatsimoortumik saqqummiussinissaq siunertaralugu Naalakkersuisut sulissuteqaqqullugit Inatsisartut aalajangiiffigisassaattut siunnersuut.

(ATASSUT-ip Inatsisartuni ilaasortaaitai: Finn Karlsen, Siverth K. Heilmann, Knud Kristiansen)

Tunnngavilersuut:

Piviusuuvoq pisortat sanaartugassatut pilersaarutigisaat amerlavallaartut suliluunniit aallartinneqaratik piffissaligaanngitsumik kinguartinneqartariaqartarnerat. Aningaasaliissutissat amigaatigineqarnerat imaluunniit suliariumannittussarsiuussinermi akisuallaartumik neqerooruteqartoqartarnera taamaattoqarneranut ilaatigut pissutaasarlutik.

Taamatuttaaq piviusuuvoq pisortat sanaartortitaat aallartinneqareersut amerlavallaartut aningaasaliissutaasut sipporlugit akeqalersarnerat, taamaammallu sanaartukkat pineqartut naammassineqarsinnaaqqullugit immikkut aningasaliisoqarnissaanik Naalakkersuisut qinnuteqartariaqartarnerat. Tamatumunnga ilaatigut pissutaasinnaavoq pisut ilaanni Naalakkersuisut missingersuusiorminni annikippallaamik aningaasaliisoqarnissaanik siunniussaqaqtarsimanerat, taamaalillutillu Inatsisartut aningaasaliiffiginikkallaakkanut akuersissuteqartinneqartarnerat. Aamma pissutaasinnaavoq, sanaartornermut akisussaaffik amerlasuutigut (soorlu atuarfinnik sanaartorneq) Namminersorlutik Oqartussaniillunilu kommuniniittarmat, tassanilu illuatungeriit soqutigisaat imminnut naapertuutinngitsoortarnerat.

Ilisimaneqartutut naatsorsuutigineqarpoq sanaartornermik ingerlatsineq ukiut aggersut ingerlanerini kommuninut akisussaaffigitinneqartussanngorlugu tunniunneqassasoq. Taamaallu ingilluartitaaginnartoqarsinnaagunaralarpoq, suliassarlu kommuninut tunniutiinnarlugu, naatsorsuutigalugulu kommunit akisussaaffigilerpassuk pisortat sanaartortitaannut atatillugu ajornartorsiutaasartut qaangiutissasut aammalu pilersaarusiortarnermi Naalakkersuisoqarfinni ajornartorsiutaasartut immiini qaangiutissasut.

Taamatut uninngaannarluni ajornartorsiutaasunillu aaqqiinarani isumalluutiginnittoqarsinnaanissaaa ATASSUT-mit arlaannaatigulluunniit peqataaffiginagulu akuersaassanngilarput. Namminersorlutik Oqartussat tungaanut aammalu Kommunit tungaanut isumannaassallugu akisussaaffimmik kommuninut tunniussineq pissasoq piffissaqarluarluni, isumaliutigilluagaallunilu pilersaarusiortarnermik aallaaveqartinneqarnissaa pisussaaffigaarput. Aaqqissuussinermi nutaat pilersaarusiortarnera aningaasaliiffiginikkangata isumaliutigilluagaanngikkaangatalu minnerunngitsumillu innuttaasut peqataatinneqarnissaasa amigaatigineqarnerata kingunerisaanik qanoq kingunerlussinnaatiginersut takusareerpagut.

ATASSUT-mit isumaqarluinnarpugut sanaartormik ingerlatsinerup kommuninut tunniunneqannginnerani piareersarnermi makku naammassineqarsimasariaqartut:

- Sanaartormik nakkutilliisut suliamik ilisimasaqarluartut Namminersorlutik Oqartussat ataanni pilersinneqassapput, taakku siunnersortaallutillu nakkutilliinermik suliaqartinneqassapput. Sanaartormik nakkutilliitit aamma sanaartormerup iluani akit nakkutigilluinnassavaat, taamaaliornikkut kvadratmeterimut akigitinneqartut aqunneqarsinnaanngitsumik aammalu nunatta aningaasaqarnerata nammassinnaanngisaanik qaffakkiartortarnerat pinaveersimatinniarneqassalluni.
- Kommuniti sanaartormerup ingerlattanut ataatsimoortumik sinaakkutassaasumik sanaartormerup inatsiseqalissaaq. Taamaalilluni kommunit oqartussaaffimmik akisussaaffimmillu annertunerusumik tigusinissaannut aammalu sanaartormerup aningaasaliussanik aqutsilernissaannut sinaakkutassat aalajangersarneqareersimassammata, qulakkeerneqareersimassammallu kommunit suliasumik ingerlatsinissaannut inatsisitugut sakkussat tamatigoortut pigineqarnissaat. Tamatuma ilutigisaanik aamma sanaartormik aqutsisut inissisimanermi kommunalbestyrelsit akisussaaffiisa aammalu tamatigoortussaataitanerisa apeqquserneqarsinnaannginnissaa.
- Akisussaaffimmik tunniussinissamut sioqqullugu misissorneqareersimassaaq, Inatsisartut nunaminertanik atuisinnaanermut inatsisiliaat nutarterneqartariaqarnersut imaluunniit naleqqussarneqartariaqarnersut.
- Inatsisiliornikkut qulakkeerneqarsimassaaq kommunit sanaartormerup pilersaarusiortarnerat allaffissornikkut aammalu politikikkut suliat paasiuminartuunissaat, taamaaliornikkut innuttaasut takullarsinnaassammassuk aningaasat qanoq atorneqarnersut, taamatullu aalajangersaasarnerit sapinngisamik annertunerpaamik ammatinneqassapput innuttaasullu aalajangiiniarnerni peqataatinneqarnerat annertunerpaatinneqassaaq.
- Sanaartormerup ilisimasat atorluarneqarnerulernissaat anguniarlugu ataatsimut katersorneqarnissaat pillugu periaasissatut pilersaarummik naammassinnittoqassaaq, assersuutigalugu ilaatigut nukissiuutnik atuinikitsunik sanaartortoqarnera pillugu ilisimasat ataatsimut katersorneqalerlutik.
- Pisortat sanaartugassaataannut avitseqatigiilluni sanaartormerup aningaasalersuisarnermi periaatsit naleqqussarneqarnissaat siunertarlugu inatsisit tassunga attuumasut naleqqussarneqassapput nutarterneqarlutillu. Matumani minnerunngitsumik inissianik sanaartormerup tunngassuteqartut, taakkumi Namminersorlutik Oqartussat aammalu Kommunit avitseqatigiillutik amerlanertigut ingerlattarmatigut.
- Suliariumannittussarsiuussisarnermut inatsit nutarterneqassaaq aamma naleqqussarneqarlunilu erseqqissarneqassaaq, taamaaliornikkut sapinngisamik annerpaamik qulakkeerniarneqassaaq neqeroorutit kommunimut tunniunneqartartut kiffaanngissuseqarluni unammilleqatigiinnermik aallaaveqartinneqarnissaat, taamaaliornikkut ilaatigut akit pillugit neqerooruteqartartut akornanni siumoortumik isumaqatigiissuteqartoqarneratigut pisariaqanngitsumik qaffassaasoqarsinnaanera pinngitsoortinniarneqassaaq.
- Namminersorlutik Oqartussat inissianik ornittakkanillu pisortat pigisaanik sanaartormerup tunngaviusumik atugassianik ataatsimoortumik kommunillu akeqanngitsumik atorsinnaasaannik pigisaqalernissamik isumagininnissaat pisariaqarsorinarpoq, taamaalilluni kommunit pinerit tamaasa nutaanik aningaasartuutaasaqisunillu naqqaniit sanaartugassatut siunnersuutiniq pissarsiniartariaarullugit.
- Kommunit sanaartormerup ingerlatsinerat pillugu ukiumoortumik Inatsisartunut agguaassasanik nalunaarusiortoqartassaaq.

ATASSUT-mit qularutiginnilarput nutaamik aaqqissuussinerit siuliani taakkartukkagut sanaartornerup iluani, matumani pingaartumik inissianik sanaartornermi, ajornartorsiutit millisarneqarnissaannut annertuumik tapertaassasut.

Tamakkuninnga tunngavilersuuteqarluta siunnersuut Inatsisartunut suliassanngortipparput.